


Alokivishi Kulanikeu Tsapi



Akumzapu Kuchouqo
Kiphi Kichekutsu

5

Panongu ye anguka lono kulakehu kukho ixave- eno akimi anipu shimlave. Kulakupu shoqhi hu hephove, eno anuliqo shikubanguve. No kibo lo hitoikeu shi ipeghipe kevalo. Ighono avekusashi kulakupu shipuaghiluvi, momu ighono akighicheshi kula puaghiluvi, maye kulamphino aghiluvi. Ikemu hipau ghili kumsuju paghilo. Baibel lono o pelo kulakupu shipenikeu ghili kichepuatsu ani, eno akukutsu tipauye Alhou launo ighikeuke. Abothu lono Pa no lhosu eno Pano kulakupu ghi shitsuke. Nono thokha kutoluve aye kiushiye ado pesu Pa tsuvemokea?



Alokivishi kulanikeu khadu, momu tsapi (key) 17 ani

1

No ki kutoluvelo

“Timi ye apuh aza qhiveno wo pa nipu sasu kuqhaluvenani, eno pama ye ashi lakhi shivenani” (Bothubo 2:24).

Akukumusu tsukeu: Kulavekemiye apuh aza ki qhiveno pano ki kutashi shiluvemayesa. Alhi kutusu aghiepinamu achebo lakhi likhimu shisuluvemayesa. Kutamino tishinikeu lakha aghikithishinamu akimi eno anipu okujono akukumusu lakhi shieno hipau shiluvemayesa. Akukutsu hipau pape aye o kujo kibo alau ikoishelunani.



2

No kukula vesulho hu kumsuma kevalo, tamono qhipuache, eno pitha chelo

“Thime kumtsu nguno alau okujo dolo shishe kimiyekile chelo, kughengu kikimiye huno axine kumtsu kuzunhaluve chenike” (1 Pitor 4:8). “Akimi no ... li akishe tsulo” (Aholetsa 31:28). “Kulavekeu totimi ye ... li kimi lo-vepiqi tsulo” (1 Korinthiami 7:34). “Lakhino lakhi kimiye lo, ... agigihu lono lakhino lakhi pulou shitsulo” (Rommi 12:10).

Akukumusu tsukeu: Nonguno kulaveke thiu no wu kulakupu hu xukideputhu chelo. Akighicheshi kulakeu hu tishi qhivekevalo, ikemu tipau pekho chemayesa. No wu akighiche kukula hu yengui, kungukughalei qhivekevalo. O kujo dolo kikimiye hu kumukove kevalo. Kikimiye mukove aye kututa shivenani. Pano I kimiye aye nighi pa kimiyeni ipi kumsu kevalo. Ikemu nono pa kimiyelo. Kikimiye eno alokivi hu lakhino pesu lakhi tsukilelo. Hitoi kumtsa mlakuqhanike do puwolo. Alokivishi petha tsukilelo. Kumtsa akulhoqhi, kumtsa kutami xujuu, kumtsa aluzaqha xujuu, eno kumtsa chu-sholo. Kihikulai eno chixechilei kile kevalo, ikemu thokha kikimiye lono shilo. Aghoqo pesu tsukilelo, kimiyekilelo, kikimiye kuhave aye akighiche kukula hu kubolevenanike.



3

Kulakupu lono Alhou no o kujo pekime puatsukeu kumsulu chelo.

“Akiqi hipau ghenguno timi ye apuh aza qhiveno wo pa nipu sasu kuqhaluvenani, tithiuye pama ye kini kumovea, ikemu ashii lakhi shivea. Tighenguno Alhou no kiu pekuqhavetsuakeno khiu pelonomu tipau kututa shivetsupe kevalo” (Mathi 19:5, 6).



Akukumusu tsukeu: No kibo lo kikimiye hu kuhaveakeo? Satan no o ghukejukeu lono no w kulakupu shoqhi hu pheveakeo? Kulakupu lono Alhou no nongu pesu kimetsukeu hu khilemu kumsuma kevalo. Pano nongu pelo kumtsa alokivishi xuchepenikeu kupughu shitsuke. Tsutsala nonguno Pa zahkutsuqo pape aye Pano alokivi eno kikimiye kuxu pesu nongu tsunani. “Alhou gholo checheaye thime thokha tokulupu lkhike” (Mathi 19:26). Alhou Ghungu sasu kututa shikevalo, tsutsala nonguno puloaye Pano nongu mulo pekilvetsunanike.



4

O kukumusu khekuchopupe achelo.

“Paye pa mulo lo kiu kumsupu anikeno ti shinani” (Aholetsa 23:7). “Noye o kisughimi nipu jumine kevalo” (Ipekulu 20:17). “O mulo kutokughoipe qhipuachelo, kughengu tipau lono okuxu kughuphelu chenike” (Aholetsa 4:23). “Thime kiuno kuchou, kiuno akighiche, kiuno amikucho, kiuno akutsughu, kiuno alokepu eno kiuno akivikeno thime hipaqo shou likhi kumsupuke chelo” (Filipiame 4:8).

Akukumusu tsukeu: Akukumusu lhokusa huno kulakupu boqha shipusavenani. Satan no o ghuju ghi opelo “ningu ye kulapimivekena” ipi kumsuvepaneni “Pa ye l ghili vethamlavea, niye hitoikeu ye shiama, niye kughokughomu ixavenani, niye lza lau wuvenani, paye totimi tipau ju palo anike” ipi nono o mulo lono kumsukeu huno akumla lo ipeghivenani. Tитоikeu ghili kumsukeu, pikevi, injukevi, titoi kumsu chekemi sasu apami shikevi. Tитоikeu kukumusu puchekemiye gari sasu wo aqhelo apukhu kukulu sumono qhivekeu toike. Tipau visavili ye kutsakungovenikeu ke.



5

Lakhino lakhi ju aghaideghi azubo lakhi lo iku kumtsa zukevalo.

“O mulo kighide lo khetsunhe yesupe kevalo” (Efesiami 4:26). “Nongu kipimiyo piphe kilelo” (Jems 5:16). “Kiu shiveakeno tipaqo kumsumavelo” (Filipiame 3:13). “Alhou no Khristo lono o kipimi qhivetsuke toi akipimi qhikilevelo, eno amulo kumthsa shilo” (Efesiami 4:32).

Akukumusu tsukeu: Kije lo shi aghiepina, kitilalo shi aghiepinamu amulo kighide lono akukumusu ghuzakilekeu lo kumsapu ani. Ado achipi lono xathaluvemaye akuxu lo aghumi shivekulupu ani. Tighenguno Alhou no pi akeuno azubo lo ikumphi zuuno nongu mulo kumukovelo, “lno pimiveake” ipi pipheveno akipimi qhikilevekeuye ighono kijeke. No kujo kinikujo tipau lo chechelo. Pimivekeu ikhilukilelo eno akipimi qhikilevelo, eno kulakupu shoqhi lo ide iloghivelo, eno okujo kuqhaluvelo. Kughengu Alhou ye okujo pelo tishi penishi anike.

6

Khristo pesu no kibo mta lo qhilo

“Ampeu no aki kishi lo ilo chhosutsumo aye pano ki kishimi kumla ye adou shivenani” (Leshele 127:1). “Nongu laghi kumtsu lo Pa ikhilulo, eno Pa pelo nongu laghiqo kichetsu pelo” (Aholetsa 3:6). “Tishienapi aye nonguno Alhou lokughuno ghili hu vethalunani eno Khristo Jisu vechewo nongu mulo eno nongu kukumus u achipi lo qhipualunani” (Filipiama 4:9).



Akukumus tsukeu: Hitoikeu ye ayezha lakhi toike, hitoikeu ye kumtsu lau shi ipeghe chekeuke. Khristo sasu kuposhuke vechewo kumonapi aye ningu kutoshiye kushokutsu hipaqa xathavemla nani. Ningu mulo lo Khristo sasuluve anguno hipaqa launo putosulunani. No kibo lo Khristo sasuluveanguno no wu kulakupu shoqhi lo ide iloghilunani. Khristo likhino nongu dolo kukhukimiji shi aloshipusu puakeu hu kulaqavetsulu nanike.

7

Kumtsa inikhulo:

“Akighini lono jukuto khe achelo, tishimaye ghukuju lo ilovenosake. Aghungu ye kuchouno pulo ani, ikemu ashino miqeve anike” (Mathi 26:41). “Lakhino lakhi ghenguno inikhutsulo- inikhu, kilelo” (Jems 5:16). “Alokutsu mikhe akeu pelo Alhou vilo alokutsu khulupelo, Alhou no kupukunoshi pesu tsunanike” (Jems 1:5).

Akukumus tsukeu: Inikhu kilelo, hitoi shikeu lono no wu kulakupu shoqhi hu shikupulu nanike. Alhou gizu lo qoqhunhe no amulo kuchouno kimiye kilenike ipi inikhulo. Tishieno akipimi qhikilevelo. Shikumto kilelo, hitoi shikeu lono akibo lo kushokutsu kumtsu xathalovenike lokutsuke. Tishi aye Alhou no nongu kighini chilutsunani, nongu mulo eno nongu kumlaqa kumtsu pekilivetsunanike.



8

Ixaveni ipi pulovekeu ye tiye khokichile kumovea

"Alhou no kiu kimevetsuakeno khiu pelonomu tipau hexavetsupe kevilu"
(Mathi 19:6). "Shupu salhave aghikeu ghenguno kumonapi aye khiuno
 pa nipu qhiveno kutami sasu kulavenikeno paye kusalhami lakhi
 shivea, eno khiuno ti ivekeu totimi sasu kulanikeno pa ghi
 kusalhami lakhi shivea. **(Mathi 19:9).** "Totimi khiu akimi
 lakhi anikeno li ye li kimino xu ake kutolo ayezha no
 tsughape qhiveake" **(Rommi 7:2).**

Akukumusu tsukeu: Kulakupu yehza no tsughakimevetsu
 keuye hepho kumlapu lakhi ke ipi Kuchoyehsu no pivea.
 Shupu salhavekeu ghengu likhino kumonapi aye ixavekeu
 shimla ipivea. Tinguno alau ye kiu kiu shive aghie pinamu akipimi
 qhikilevekeuno akiviu. Alhou no Eden lono kulakupu huthutsu, eno tishi
 xuwove penike Pano pughupe qhitsu. Kulakupu shoqhi akhoto huno timi
 eno totimi pama tsughakimetsu. Alhou no kulakupu shitsukeuye ningu kuxu lo
 kiu avehushi anikeno tipaulo tuchokile peniyeke. Ikemu ninguno kukho ixavenikeu
 kukumusu xapuve aye tiye kulakupu shoqhi hu hexavenikeu kimiji lo ikughivea, eno tiye
 kushokutsu nepa lo ikughivea. Atianuliqo kulhuvono kimighivenikeu nepa lo ikughiveake.

9

No kibo akumtoshi piqhekuqhape
xu achelo

"Noye salha kevilu" (Ipekulu 20:14). "Li kimi pelo li
 shou ililai pulube chepelo ... Li pelo akivi kumla shi chepelo, eno li
 kuxu kupujulo li lau khilemu alhokusa ye shipekevilu"
(Aholetsa 31:11, 12). "Ampeu pelo olthohe lo nipu okujo dolo
 thopiu shipelo. Nono sapusa chekeu nipu okujo dolo Pa pelo thopiu
 shipelo" **(Malaki 2:14).** "Noye totimi lhokusa launo putosuvele, o
 mulo lo jukivi jumine kevilu, momu li pelo li nhethi sukuqumono
 o jupe kevilu. Timi lakhino amibalu pesu pa mla lo bekelo pa phi pitive monikeshea? ... titoi pano pa
 kisughumi nipu lau wukeloghi tipaphi shinanike. Khiuno li bunikeno pa shou akipimi bemokeyue
 shimonani" **(Aholetsa 6:24, 25, 27, 29).**

Akukumusu tsukeu: No kibo lo tsaqo pesu ashou kutami sasu kiusaje kevilu. O puh oza vilomu pike vilo. Abolomi eno
 asholokumiqono eno kulamphi keqono titoikeu tsa lo pisukelo Satan no tipau ikhilo puzu akimi eno anipu dolo
 kumtha kilevenikeu piti xusuvetsu nani. Luthu shieno luthu kibo kukupuna xathavelo. Khiu shoumu pichebekevilu.
 Sakipheu kulakupu nongu tsukeu lau kumonapi aye kutami khiu laumu piukevilu. Alhokuthu lo lakhino lakhi shou
 pulube eno pukhube kile chelo. Kiu kiu shi aghiepimu khilemu lakhino lakhi lau kiumu kusuvekeu shikevilu. O kimi
 momu o nipu kukumusu ghuzavekepu ghava ye shikevilu. O chipiu phukeu shikevilu. Asalha ye abo lo eno asholoku lo



kumtsu ghuzave cheku kumla lakhike. Tighenguno o mulo, o phimpi eno o kukumusu ithi akeu Lhou no o vilo “noye salha kevalo” (**Ipekulu 20:14**) ipi ahza o tsu anike. Tsutsala nono hitoikeu kukumusu lo ikucheghi aye mtazu itheno tipau launo putosuvulo. Tishimaye ilo tipaulo kitimeveke thiuye kushokutsupu lo ilovenanike.

10

Alhou no Pa kikimiye ghili hepho piyesutsu ani, o pelo tipau pesu tsala pekighi lo kimiji lakhi shieno tipau pujupeju penike ghenguno.

“Kikimiye ye kushua kutuu cheni, eno kimiye acheni. Kikimiye ye aneshu chemo, kikimiye ye lakilahi chemo, hipau ye qheza chemo. Kikimiye ye aghaide chemo, kikimiye ye aghoaghoshi chemo, kikimiye paikhavi amulo ide chemo, khilemu alhokusa kumsu chemo. Alhokusa kumla kishi lo alovi chemo. Ikemu kuchou kumla shikeu lono alokivishi cheni. Thime kumtsu lo pulukibe acheni. Thime kumtsu lo lajupu qhipuacheni, eno thime kumtsu lo puqhekulushi acheni” (1 Korinthiami 13:4-7).

Akukumusu tsukeu: Baibel tsajo hipau lono Alhou kikimiye ghili kishukulushi hepho piyesutsu ani. Noghi hipau ghili phiidejulo. Noye atsa hipaço pesu owu kulakupu shoqhi lo pujupejukeu shi anima? Kuchou kikimiye ye pesu o mulo kukumusu lo qe qhipuanikeu likhi kumo, ikemu nono kulavekeu kuxu lo peithanikeu ke. Kuchou kikimiye pesu nono kulavekeu kuxu lo tokulu kije shilunikeu do kivi lakhike. Kikimiye sumokeloye no wu kulakupu kuxu ye pai ikiqivenani.

11

Pipusa eno piputhakeu no kikimiye kuxu shipusavetsu chenike ipikeu kumsululo

“Akiminoqo, nongu nipuqo kimiye chelo, panongu lau khumtsai kevalo” (Kolosiame 3:19). “Kichighi muto eno amulo kighide totimi gholo xu akepuye luthushi aghasaqha lo iqunhei ngo akeu pavi” (Aholetsa 21:19). “Mutsutsala lo tsutsughu iji tamokeu ngo kichighi mutochekeu totimi pama aphiphike” (Aholetsa 27:15). “Onhethi lo asuthalu qhiveno o thikuzuu nhethi lo asumihi kiche anikeshea? (Mathi 7:3). “Kikimiye ye ado kushua kutuu cheni, kikime ye aneshu chemo, kikimiye ye ghuzakile chemo” (1 Korinthiami 13:4).

Akukumusu tsukeu: Pipusa piputhakeu tsa qhivelo, o tuna kipimi phukevilo. O nipu ye alaghi kutomo lo miqemilei aghinani, ikemu pipusakeuye tipau lo kuphulumo nani. Tokhoi keu likhi lunikeloye o nipu o kujo dolo khumtsaive nani. Pimi aghiepimu juzuvelo, eno akivi likhi shiluvulo. Chilo o tuna shikithetsu, chilo ghasu hasukeu huno o kujo dolo kikimiye shipusave nani. Alhou likhino timi lakhi kuxu pekilitsulu nani. Alokivi mulo, eno kimiyekeu mulo pukeu, eno kutuukeu huno kulakupu shoqhi hephove akeu kushokutsu kutomo jonhave eno shipuhaluve nani. O nipu lau akivi shikeu likhi kumono li lopivitsulo. Tishilu aye pakutoshino akivi lo ighiluve nanike. Kulakeu lo tokulu shilunikeuye atuna akivi ithulukeu lono kumo, ikemu onipu sasu achipishi kutunaluke lonoke.



12

Kiu kiu lomu chilokeu ye shikevilo, atughishi alikhi aghasuluvelo

“Asaxu ithulunike ghenguno akukuxu lo ilokemi kumtsuno thime kumtsu lo alikhi aghasu cheni” (1 Korinthiami 9:25). “kikimiye ye alikhi asala pukhachemo” (1 Korinthiami 13:4, 5). “Akuchu, akusho eno akumla kumtsu lono Alhou jukuvu shitsulo” (1 Korinthiami 10:31). “Ino l phimpi ghasuve eno pesu l qholo qhive” (1 Korinthiami 9:27). “Akumla shimokeu pelo chupekevilo” (2 Thesaloniami 3:10). “Kumtsu gholo kulakupu no gihukuzupu ke” (Ibrimi 13:4). “Axine pelo o phimpi thiveni kua lo ayehepe pekevilo, tishiemo napiaye noye alamineuve nani, eno o phimpi lo aph awqo pesu axine lo amikuchokumo kumla lo peithanikeu zuta-angu shivenani” (Rommi 6:12, 13).



Akukumusu tsukeu: Chilo akumla shivekeu huno no kukula ghapsinhevenani. Mlalo, Alhou gholo ado lulo, kimiyelo, akulho qhilo. Qokiphe lulo, aghili jeli ililo, chu-sholo, aqoaho gholo kuposhulo. Chilo mlavenu akulho qhikeu tulalo kevalo. Achuqu kivi chu-sho eno ashiahji qokiphe lukeu lono thokha achipi lo ighive cheni. Baibel no ashepe tsu akeughi, akimi-anipu shikeulo alikhi aghasulo” ipi ani (1 Korinthiami 7:3-6). Chilove aye kikimiye eno gihukileku mikhevenani, lakhino lakhi sasu kusutsakileku avehu shi ani. A-a kututa lo ngokeuye kuchou kikimiye ithulu chemo.

Kunuvuqalei eno alokivishikeu shikalulo. Ado kivi lulo. Alhokuthu lo aisuikeu likhi shikeu lo kumsapu ani. Ihulo mlave aye eno ado shulo mlaveaye ashiahi miqevenani, akukumusu ghi mikhivenani, eno akimi anipu dolo kimiyekileku eno gihukileku kuhavenani Thokha lo alikhi aghasumovekeu huno no kukula shipusavepe kevalo.



13

Luthu lakhi chipiu eno toqhouqo ikhilukile lo

“Kimiyekeu ye kushua kutuulu cheni, eno kimiye cheni. Kikimiye ye aneshu chemo, kikimiye ye aghaide chemo, alikhi asasla pukha chemo ... alhokusa shikeu lo alovichemo ... thime kumtsulo pulube cheni. Kumtsu lo lajupu qhipuacheni. Kumtsu lo puqhelu cheni” (1 Korinthiami 13:4-7). “Kimiye kilekeu lono lakhino lakhi sasu athiazu toi ikhilukile chelo” (Rommi 12:10).



Akukumusu tsukeu: Akimi lau eno anipu lau pututa chipiu eno tuqhou pighilukepu chipiu tsupani. Tighenguno khiumu khiu wu jolabo lhejukevalo. Kupulo kilemo kelo ye khiumu khiu w tuqhoushi qhipuachekeu lhejukevalo. Kulakupu shoqhi lono lakhino lakhi kimiye, gihu eno qhoqhu kilenikeu shoqhi chupani, eno pama kinikujo tipau shoqhi xapu xu ani. Tighenguno khiumu khiu lau anguka shikevalo. Thokha kumtsu lo Alhou likhino kilitsumanike. Pukhubekile keu lono alokivishi xu achelo. Chixechileikile kevalo, ikemu lakhino lakhi mulo kiqui shitsukeu no akumzapu lakhike.

14

Pututa shelo mutsumishei eno kithikiyi mlalo

“Hipau ghola lono totimi lakhi ye likutoshi kithikiyikeu nanu pepulo” (1 Timothi 2:9). “Liye ... puloniqhiyi li wu no mlalo ... itheno ithuno achuqupu mlape pa no bolomi lojilo. Li ye li kibolomiyo laghi chejukutolo. Mlamono akipichishi ngono chukeu shikevalo” (Aholetsa 31:13, 15, 27). “Mutsumishei shilo” (Isaya 52:11). “Thime kumtsu lo mithemighei eno kithikiyi shilo” (1 Korinthiami 14:40). “Tsutsala khiuala palikhi pa ghenguno chukepu kutope qhimoveaye, eno akhotoshi pa kibolomi ghenguno kutotsumove aye paye pa kupulu phevea, eno pulumokemiyo nguno alau alhokusau shivea” (1 Timothi 5:8). “Khiu pelonomu akipichi shipekevalo” (Ibrimi 6:12).



Akukumusu tsukeu: Akipichi-akupugha eno kithikiyimokeu kuxu ye Satan no peithave cheni, eno pano no wu kulakupu shoqhi lo kimiyekilenikeu shoqhi shipuakeuhu shipusavetsu cheni. Akimi anipu kinikujo aphimini kithikiyi pepulo. No ki hokumxa lo mithemighei qhilo. Hitoi kithikiyi eno mithemigheikeu ithukululo lo alokivi acheni. Akipichi-akupugha shikeu lono thime thokha jukusalo aghive cheni, eno tipauno akimi anipu dolo kiyasave cheni eno Alhou pulou ghi shimlave cheni. Lakhi no lakhi ghenguno mlatsukeu ye kimiyekeu eno gihu keu lakhike. Akumla kitila lakhi lo kutokughoimovekeu lono akimi anipu dolo akukumsu kiyequvekeu ghi shive cheni. Titoikeu shimonike ghenguno kutokughoishi xuchelo.

15

Akumthsa akughuvu lono eno kimiyekilekeu lono kuputsalo

“Mutshaminhei khochilekeu lono aghakhigide ikhisuue cheni, ikemu mukamughai khochileu lono agha shikighideve cheni” (Aholetsa 15:1). “Nono kimiye chekeu o nipu sasu alokivishi xuchelo” (Yetsapiu 9:9). “Kughou lno timi lakhi shi ithughivekeno niye itilo lhoayehqo hu qhive” (1 Korinthiami 13:11).



Akukumusu tsukeu: Alhokuthu lo akimi anipu dolo akumthsa lono kuputsakilelo. Akukumusu kiyequeve pinamu akumthsa lono kuputsaluvulo. Amulo ide akelo, akulhoshi akelo, eno amulo shikulotive kelomu kutuuvveno akumthsa akughuvu lono kuputsaluvulo. Ikemu akiviuye atughushi okukumusu ghakughuquluve paghilo, tithiuno pilo. Akumthsa lono eno kimiyekilekeu lono pilo. O ghaqimo kelauno okimi vilo, onipu vilo mkamughai pivekeu huno pa mulo buvetsuno sake. Akibo lo akhotoshi peitha chekeu poisa tsa loye akivishi kighithikileno kutokupuishi peitha chelo.

16

Akibo lo poisa peithakeuye aghibiu lono peitha lo

“Kikimiye ye aneshu chemo, momu alamine chemo, aghaide chemo, alikhiasala pukha chemo” (1 Korinthiami 13:4, 5). “Alhou ye tsunishiqhiyi kemi kimiye cheni” (2 Korinthiami 9:7).

Akukumusu tsukeu: Akibo lo akini, kuakini iloghi akeu lo puwovekeu eno alahshilu akeu akivishi kihijuno thime thokha lo akimi anipu dolo kupulokilekeu lono peithalo. Alaghi thokha lo peithanikeu kijethape qhiveno achili ye pesu akini pekutsukeu ki lo pekutsupe qhivenikeu kupughu shilo. Ikemu lakhi no akupughushi eno amakho pulo. Akimino shinikeo anipuno shinikeno ti kupulokilekeu lono shilo.





17

Thime kumtsu lo akimi anipu dolo qhaqhilei shilo, kuzukugho shikevilo.

“Kikimiye ye kushua kutuucheni, eno kimiye cheni, kikimiye ye alahmine chemo, qhezalaki chemo, suqhe chemo” (1 Korinthiami 13:4). “Kichekutsu papemo kemiye palikhi pa kuxu thave ani” (Aholetsa 15:32). “Timi lakhino palikhi pa pesu paye alokutsumike ipichegheke noye ithulu chenima? Titoikemi ye kughuzumino pa nguno alau lajupu pighi anie” (Aholetsa 26:12).



Akukumusu tsuke: No wu kulakupu ghenguno thime kutomo kughakubangu akepuye aghulo likhi ikhiluno xathalavelo. Akumla (job) kilivenikeu, akibolo tinhemugha amekushou qhusunikeu eno kutau kutauqo kumtsu lo akimi anipu akukumusu kuqhano shilo, ti vecheve aye no wu kulakupu kupughu lo aghakiqi kuhavenani. Thokha lo akighini gholono shilo, Anipu no akimi kupughu lo pulosukuqha tsulo. Kughengu akimi ye pa nipu pulou shitsunikeu kupughu shi achenike ghenguno. **(Efesiami 5:22-25 lo julo).**

18

Alhou ye aghoaghoshi chemo, eno alokivishi kimiye anike ipi no w kulakupu lono pephepiyelu nishi anima?

Nono khochilenikeu:

Nono Iniju Keu Khochiletsu Ani

1. Pama dolo kiyeseveke thi u akimi paghino kulashinikeo anipu paghino shinikea?

Khokichile: Pama dolo khiuno achipiu shi anikeno pano shilo

2. No kibo Xakuthami lo achi-angu momu anipa noqo ghi pisulu kepu yehza anikeshea?

Khokichile: Tsutsala nono pano kukutsu avehu shimonapi aye no pu, no nga kukula lo pisupe kevalo. Pututa kumla shi apelo” (1 **Thesaloniami 4:11 lo julio**) Kutomono kulakupu hipau pesu ayeghi lo kungugha kitila lakhi toi ikhilo achenike, kiunomu tipau shipunhavetsupe kevalo. Pano ghoshi pano kibo kitho puthuluve pelo.

3. Ningu ye Khristomi kumo, eno niye Khristomi shivenishi ani, ikemu li zukusuno ighono akumtoshi ani, niye li sasu ixavelunanima?

Khokichile: Moe. 1 **Korinthiami 7:12-14** eno 1 **Pitor 3:1, 2** lo phijulo, tileno Alhou no pakutakeushi khochile puatsu anike.

4. Inipu ye kutami sasu pove, li ye itehiye amulo pevide ighi ani, ni w Pastor no li sachilelulevo pi ani, Alhou ye tipau lakha puanike kumokeshea?

Khokichile: Moe, kuchouno moe.shupusalhauve keu totimi ye ivelo ipi Alhou no pulotsu ani, iye, ikemu Paye tipau lo ahza tsuamoe. Akipimi qhivetsukeu ye alhokuthu lo akiviu, eno alhokuthu lo ti ikhikulupuke (**Mathi 6:14, 15 lo julio**) Kukhoixavekeu ye okuxu eno atianuligo kuxu ighono shikimighive cheni. Ado alau li tsulo. (**Mathi 7:12**) lo shuna mulotsa hu hile peithalo. Tsutsala onipu okujono Khristo lau xaide ighi aye Paye no w kulakupu lokivi akiqheu lo ikhipukhutsu anike. Hi ye munuvekutu mphike.

5. Timiqono alhokuthu l lau ighi acheni, eno niye kiu shimaye sakea?

Khokichile: Ishi tiqheli hipau lo totimi lakhi kuxu ye ighono akijikusapu ani, kughengu kipitimi no pano kukumusu ghasumlakeu anike ghenguno. Tishi aghie pinamu nono shimaye sakepu hami kichetsu ani. Aphimini kithikiyi pepulo. Timi sasu kupunukhoishieno kuputsa kevalo. Pano mulo sunheluvekepu tsa piqhikevalo. Ikemu Khristomi lakhi ye pano laghi lo pano mlamayesakupu kumla ani. Khristo no pi, “Okuvu pesu timi zulo yepuvu tsulo, tishiyae timi no okumla kivi ithuluno o Puh kungugha lo kuuu jukuvu shitsunanike.” (**Mathi 5:16**).

6. Tmi lakhi ye ikiqivekemu amulo pebidesu ighivekeu lo Alhou kukutsu ye kiutoi anikeno tipau ghili l vilo pitsulu nanima?

Khokichile: Hipau ghili lo Khristo no hitoi pi, “Pano li vilo ... akipimi otsu akeqoye khilau wukhaveakea? Khiumu akipimi otsumo keshea? ipi injukelo lino khochile, moe, Ampeu, khiumu akipimi l tsumoe; tileno Jisu no li vilo, Ni ghi akipimi otsumoke, wovelo, eno axine alau shiide kevalo” (**Johan 8:10, 11**). Pano akipimi qhivetsukeu eno Pa kukutsuqo ye ishikutolo ningu lau apho.

7. Qhivekeu eno qhiveno povekeu kipimi athokeshea?

Khokichile: Tiye mutsuqheike. Kimiyekilemoveke ghenguno amulo tsukile movea. Ino amikuchoke ipikeu lono kuqhukidimovea. Aghoagho shivekeu lono kuqhamlavea. Akimi anipu dolo amulo shipusakilevekeu lono kumtsa kuqhape ngomlaveno pova. Tighenguno Alhou gizulo ye pama kinikujo pimi ani. “Ampeu ye timino jukeu toi juchemo, timi ye ashou juakoghe jucheni, ikemu Ampeu ye amulo alou jucheni” (**1 Samuel 16:7**).



8. Alhou ye I pelo timi no atiche tsuchekeu sasú kughunape nanikeshea?

Khokichile: Timi no atiche tsuchekeu sasú kughuna keuye akuxu kupujulo kichikuluke kumsapu eno kushokutsupu lakhike. Hitoi keu kibo ye pano hokumxa zu-mulhu akivi lo ngomayesa. Hitoikeu kibo ye Khristomi kukula ghili kukutsumi alayehmi kukutsu kukuphu lumayesa. Shimlamitheve aye ixavekeuno akiviu.

Hilehi okukumsu eno injuakeu pitsulou



01



02



03



04



05



06



07



08



09



10



11



12



13



14

Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta jajupu lo ighikulupu ani. Akiphiqo gholo lakhimu vezuvekeu shikevilo.

Akiphi kichekutsu 01: Tile nono pulubeLukepu kiuana qhiveakeshea?

Akiphi kichekutsu 02: Alhou ye Tughami Ihosukeshea?

Akiphi kichekutsu 03: Akithi laono xapheluve

Akiphi kichekutsu 04: Tsutsu yeghiqha dolo Aphughi kije

Akiphi kichekutsu 05: Alokivi kulakupu tsapi

Akiphi kichekutsu 06: Atulaphaqo shou yehpukutsu

Akiphi kichekutsu 07: Xu-lhe lo atsala lakhi puhavekeu

Akiphi kichekutsu 08: Qhoi xapheluve -Jisu Khristo ideighini keu

Akiphi kichekutsu 09: Akutsughu eno Akuka

Akiphi kichekutsu 10: Kithimi ye kuchouno thiveakeshea?

Akiphi kichekutsu 11: Amiyizu ye Tughami pichepuani keshea?

Akiphi kichekutsu 12: Alokughuno mpe 1,000

Akiphi kichekutsu 13: Alhou no ashiahji kivi kupughu shitsu

Akiphi kichekutsu 14: Aghokuluye ayezha lakhi shivekeshea?

Kughou no no atughiu Akiphi Kichekutsu-14 pihigive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mpho zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “*Adobe Reader*” peithalo.

1) Kulakupu ye (1)

Alhou no kipitimi lakhi eno totimi lakhi pesu akimi anipu shi kughunapenike pekuqhavetsukeu ke
Pama kughunalu nanikemokeno ado hami chhejukeu ke
Kulakupu shimopimu kipitimi totimi ye ililai kumtsa xulunani

2) Alhou ye akimi anipu dolo ixavenikeu akiqi lakhi likhi ikhilutsunani (1)

Kimhe momu kumughu mlakeu tuna
Aghashikighide kilekeu tuna
Shupu salhakeu tuna
Alhou sumokeu tuna

3) Qhaqhilei keu kuxu xu chelo (1)

Qhaqhilei keu kuxu hu tamono tishi xuchelo
Kulaveke thiuye qhaqhileikeu kuxu qhivelunani
Qhaqhileikeu kuxu xu akepu vehu kuha

4) Kulavekemi kuxu lo tokulu shilunikeu ye (1)

Ni mulo lo eno ni kibo lo Khristo qhiLuku lono
Akimi no anipu shou anguka shikeu lono
Ixaveniepi akimi no anipu kichikuluke lono

5) Kupulokile mlakeu lo kulaqalunikeu ye (3)

Kimiyeku lono eno akumthsa lono pikilekeu lono
Pimiveake ipi piphepe keu lono
Akisughumi ku suno xathakeu lono
Hasukilevekeu lono
Akibo qhiveno ashou atsala 5/6 ngovekeu lono
Kumtsa inikhukeu lono

Azubo lo ikumphi zuuno o ghakighide ghasuvekeu lono

6) Kulaveke thiu no kibo tokulu shilunikeu khadu momu tsapi (key) ye (2)

Abolomi xukupunukhoi xukeu lono
Apuh aza gholo xukuqhakeu lono
Amulo shimovekelo aza no kilo povekeu lono
O kimi o nipu ghili akusami vilo pivekeu lono
No ki kutashi kutoluvekeu lono
Alojpumi aqau lau no akukutsutsa Luku lono
Kiyimutove ke thiuno

7) Kulaveke thiu okujo dolo alokeshi kughuna lunikeuye (2)

Shikithemla aye wuvelopi akimino anipu hakuqokeu lono
Pipusakile keu lono
Jisu Khristo sasu kuposhukeu lo vikitheluvekeu lono

O lokeu kutashi puzuve keu lono
Kimiyekeu lono, akishe tsukeu lono eno akipimi qhivetsukeu lono
Pekililuvulopi o lokeu lau anguka shikeu lono

8) Kulavekeu kibo lo kumsapu akeuye (6)

Pipusakilekeu (criticism)
Michhimukui keu kimi
Poisa kutholechekeu nipu
Akipichi
Khristomi kibo lakhi
Kumtsa inikhukeu
Niqhinighilai eno kithikiyimokeu
Akipimi qhivetsukeu
Anhekushu

9) **Tokulu shilunike ghenguno akhoto Xakuthami Luku (2)**

Akimi anipu dolo ililai kuputsakile keu
I ghokumo aye moe ipikeu
Akimi anipu kumtsa kuqha no Alhou vilo
inijukeu
Kupulokile mlakeu

10) **Amalimi, amulimi lau ayeh kivi shinikeuye (1)**

Anileshi kulakeu kibo yengui qhivekeu
Anileshi kulakeu kibo lau akukutsu tsukeu
Panonguno lunishiepina lunishomo pinamu
anileshi kulakeu kibo lau akukutsu tsumayesa

11) **O lokeu shou pukhube mlavekelo shinikeu thime akiviu ye (1)**

Pai qhiveno wuvekeu

Kishi o tuna sunheqhive, momu shikumuzunikela ipi kumtsu vilo injukeu Tolukivi akipimi qhikilevekeu?

12) **Kumsukotoju mayesa, kughengu (2)**

Akukumusu lhokusa lono akumla lhokusa suighive chenike ghenguno
O lokeuno o kukumusu philuvuno sake ghenguno
Achipi kumokeu kukumusu huno ni kukula ghuzavenosake ghenguno

13) **Niye I kukula hipau lono, Alhou ye aghoagho shichemo, Pano kiu pihikeno ti shikuputsu cheni, eno alokivishi I kimiye achenike ipikeu ghili pephepiyesu tsunishi ani**

lye. Moe.

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>			
Owu Email :	<input type="text"/>			
Thepiu kikihi :	<input type="text"/>			
Okungo-a :	<input type="text"/>			
Aphugui, District :	State :	Aghaqhu :	<input type="text"/>	
Pin :	Apunu mpe amqo:	Gender :	<input type="text"/>	

Anile shi no kusutsa nikeu tipau tsulou